

Ruta moi accesible nunha das zonas máis elevadas da cidade, o que permite gozar de estupendas vistas panorámicas e achegarse a coñecer a **Cidade da Cultura**, así como os bosques que a rodean.

Proponse o seu inicio na **Colexiata Santa María a Real do Sar**, unha construción do século XII á beira do río Sar que é, xunto coa Catedral, a igrexa que mellor conserva a súa primitiva fábrica románica. Desde aí dirixímonos á **Ponte do Sar**, cruzámola e seguimos uns 160 m máis, até o cruzamento, onde debemos virar á esquerda para ascender pola rúa de Diego Bernal ata o acceso principal ao **Bosque de Galicia**. Ascendemos pola falda do **Monte Gaiás** cara ao cartel informativo e, ao chegar ao cruzamento de camiños, viramos á dereita e continuamos a senda até o seguinte cruzamento, onde debemos seguir a senda da dereita polo **Bosque do Camiño**, un pequeno bosque onde crecen árbores plantadas por persoas que peregrinaron a Compostela. Un pouco máis adiante, o camiño xira á esquerda, e na seguinte curva, á dereita, para culminar o ascenso na zona dos edificios. Ao chegar ás proximidades do conxunto escultórico **Zapatos no Camiño**, en concreto á bota de granito, continuar pola dereita para poder acceder ao **Xardín Literario**, espazo verde dedicado aos escritores e poetas galegos. A senda continúa en liña recta para ver desde arriba o **Xardín do Teatro**, e desde aí vira á esquerda, en paralelo ao **Museo Centro Gaiás**, até chegar ás escaleiras (na parte baixa hai un panel que sinala o horizonte da cidade) e xira á dereita para acceder ao **Banco do Peregrino**, e ascender a continuación pola pista en paralelo ao edificio. A ruta bordea a zona do parque infantil e continúa polo medio das esculturas **Espellos**, cara ao panel de placas solares e despois pola pista de terra, virando á dereita. Esa pista conduce, sen desvíos, até o aparcamento da Cidade da Cultura, onde a senda xira á esquerda, en dirección á estrada e cruza polo paso de peóns cara ao **Parque do Lago**. O sendeiro continúa recto, ata chegar ao **ximnasio ao aire libre**, onde xira á esquerda e despois á dereita para pasar por diante do lago.

Cruzando a plataforma de madeira, o sendeiro continúa até a estrada, onde vira á dereita para chegar a unha rotonda á altura da cal atopamos o panel que indica a senda do río Sar, que nos levará de volta ao punto de inicio. A escasos 100 m do comezo do sendeiro fluvial, cruzamos a ponte de madeira e seguimos en paralelo ao río pola súa marxe dereita augas abaixo sen desviarnos ata alcanzar a **Ponte das Brañas de Sar** e despois a **Ponte do Sar**, e a Colexiata Santa María a Real do Sar.



sendas próximas

- 05. Río Sar > Muíño de Parceiros
- 06. Río Sar > Bosque do Banquete de Conxo
- 08. Monte Viso [Senda Mitolóxica]
- Xiro dos Montes "Monte Gaiás - Monte Viso"



ten en conta



> Roupa e calzado apropiados para camiñar e adaptados á meteoroloxía e condicións do sendeiro.



> As sendas fluviais adoitan ser moi húmidas, e máis tras días de choiva, en que poden aparecer zonas encharcadas ou esvaradas.



> Mantén limpa a contorna e respecta a biodiversidade.

> Axúdanos a mellorar. Agradecemos os teus comentarios, suxestións ou avisos sobre o estado da senda en sendas@santiagoturismo.com



co apoio de



ruta circular



público familiar



apto bicis



parcialmente sinalizada



SAN 07

santiago natural

sendas

de Santiago de Compostela


Bosque de Galicia >
Cidade da Cultura >
Parque do Lago



distancia:
5,2 km
duración 1.40 h
dificultade baixa



*Fotos: Turismo de Santiago



-  Bosque / Zona verde
-  Mirador
-  Parque / Área recreativa / Zona infantil
-  Zona de Restauración
-  Ponte
-  Parada de autobús
-  Punto de interese
-  Aparcamiento